




საშურის მოახბა



№9 (383)

13 მარტი, ორშაბათი, 2023 წელი

საშურის მუნიციპალიტეტის საკრებულოს სხდომა

გასულ კვირას, საშურის მუნიციპალიტეტის საკრებულოს მორიგი სხდომა გაიმართა, რომელსაც საკრებულოს თავმჯდომარე ნინო ლიპარტელიანი უძღვებოდა.

სხდომას ესწრებოდნენ საშურის მუნიციპალიტეტის მერიის სამსახურების ხელმძღვანელები.

სხდომამ ხმათა უმრავლესობით დაამტკიცა დღის წესრიგით გათვალისწინებული საკითხები:

1. „საშურის მუნიციპალიტეტის საკრებულოს რეგლამენტის დამტკიცების შესახებ“ საშურის მუნიციპალიტეტის საკრებულოს 2014 წლის 14 ივლისის №22 დადგენილებაში ცვლილების შეტანის თაობაზე;

2. „საშურის მუნიციპალიტეტის საკრებულოს წევრების (გარდა თანამდებობის პირებისა) უფლებამოსილების განხორციელებასთან დაკავშირებული ხარჯების ანაზღაურების წესის დამტკიცების შესახებ“ საშურის მუნიციპალიტეტის საკრებულოს 2022 წლის 7 აპრილის №18 დადგენილებაში ცვლილების შეტანის თაობაზე;

3. დაბა სურამში, ლესია უკრაინკას ქუჩის მიმდებარე უსახელო გეოგრაფიულ ობიექტისათვის „წმინდა ელიას“ ქუჩის სახელის მინიჭების შესახებ;

4. საშურის მუნიციპალიტეტის საკრებულოს 2023 წლის მეორე კვარტლის სამუშაო გეგმის დამტკიცების შესახებ.

საკრებულომ, აგრეთვე, მოსმინა და შეაფასა საშურის მუნიციპალიტეტის მერიის ა(ა)იპ „საშურის სამუზეუმო გაერთიანების“ ანგარიში 2022 წელს გაწეული მუშაობის შესახებ, წარმოდგენილი სამუზეუმო გაერთიანების ხელმძღვანელის თამაზ ლაცაბიძის მიერ და საშურის მუნიციპალიტეტის მერიის ეკონომიკური განვითარების სამსახურის ანგარიში 2022 წელს გაწეული მუშაობის შესახებ, რომელზეც დეტალური პრეზენტაცია წარმოადგინა სამსახურის



ხელმძღვანელმა სერგო ლალიაშვილმა.

სხდომით გათვალისწინებული საკითხების ამოწურვის შემდეგ, საკრებულოს წევრებს სოფლის მეურნეობის სამინისტროს ახალი პროგრამის შესახებ ინფორმაცია გააცნო სოფლის განვითარების სააგენტოს უფროსმა ჯემალ გელაშვილმა.

სხდომას, დირექტორთან, მორის დანდურიშვილთან და საგანმანათლებლო რესურსცენტრის უფროს ზვიად გოგუაძესთან ერთად, ესწრებოდნენ 1 საჯარო სკოლის მოსწავლეები.



საშურის მუნიციპალიტეტის ხელმძღვანელმა პირებმა, სოფელ ოსიაურში, 1921 წლის 4-6 მარტს გმირულად დაღუპული ჯარისკაცების ხსოვნას პატივი მიაგეს

საშურის მუნიციპალიტეტის მერმა თენგიზ ჩიტიაშვილმა, საკრებულოს თავმჯდომარე ნინო ლიპარტელიანმა, საკრებულოს სამანდატო, საპროცედურო საკითხთა და ეთიკის კომისიის თავმჯდომარე მაკა დიდუბუაძემ, საკრებულოს სოციალურ საკითხთა კომისიის თავმჯდომარე თათია ბროლიძემ და მერიის წარმომადგენლებმა, მემორიალი გვირგვინით შეამკეს.

ღონისძიება ტრადიციულ ხასიათს ატარებს და მერიის განათლების, კულტურისა და სპორტის სამსახურის ორგანიზებით იმართება.

1921 წლის 4-6 მარტს ქართული არმიის მთავარსარდალ კეიხიძის და გენერლების - მაზნიაშვილისა და სუმბათაშვილის მეთაურობით წითელი არმიის წინააღმდეგ კონტრშეტევა განხორციელდა. საშურში განთავსებული იყო მთავარსარდალის შტაბი და მათი დაცვა ევალებოდათ იუნკერთა სასწავლებლის კურსანტებს.

ოსიაურთან შეტაკებისას 120 ქართველი ჯარისკაცი დაიღუპა.

რკინიგზულ ქალბატონებს, 8 მარტს, ფასიანი საჩუქრები გადაეცათ

საქართველოს რკინიგზელთა პროფესიული კავშირი და მისი თავმჯდომარე გელა გელაშვილი რომ დღენიადაგ ზრუნავენ რკინიგზელთა კეთილდღეობისთვის და მათი პროფესიული წინსვლისთვის, არახალი ამბავია და ჩვენი მკითხველი ბევრჯერ გაცნობია ინფორმაციას ამის დასტურად. პროფკავშირის არც წლებადღე 8 მარტს დარჩენია უყურადღებოდ რკინიგზელი ქალბატონები და 1500-ზე მეტ თანამსრომელს ფასიანი საჩუქრები გადასცა, „რკინიგზაში დასაქმებული ქალბატონები მუდამ იღვანე ჩვენი სისტემის ავანგარდში და მათი როლი საქართველოს რკინიგზის საერთო წინსვლაში მართლაც დიდი და შეუფასებელია. ეულოცავთ თითოეულ მათგანს ქალთა საერთაშორისო დღეს და ყოველივე საუკეთესოს ვუსურვებთ“, - განაცხადა პროფკავშირის თავმჯდომარე გელა გელაშვილმა.



საშურში, ძნელადი ქუჩაზე, მიწისქვეშა გადასასვლელის რეაბილიტაციის სამუშაოები იწყება

მოქალაქეთა უმრავლესობა ქალაქის ერთი ნაწილიდან მეორეში გადაადგილებისთვის სწორედ ამ მიწისქვეშა გადასასვლელით სარგებლობს, ამიტომ მისი მოწესრიგება პრიორიტეტულია და მნიშვნელოვანი.

სარეაბილიტაციო სამუშაოების დასრულების შემდეგ საშურელი მოქალაქეებისთვის გადაადგილება უსაფრთხო და კომფორტული გახდება.

თუმცა, რადგანაც ხშირია ამ ტერიტორიის ხელოვნურად დაზიანების ფაქტები, საშურის მუნიციპალიტეტის მერიამ გადაწყვიტა ზედამხედველობა სათვალთვალ კამერების საშუალებით განახორციელოს.

პროექტი უახლოეს დღეებში დაიწყება და ღირებულება 214 592 ლარია.

საშურის მუნიციპალიტეტის მერიის ეკონომიკური განვითარების სამსახურის მიერ 2022 წელს გაწეული საქმიანობის ანგარიში

საშურის მუნიციპალიტეტის მერიის ეკონომიკური განვითარების სამსახური, საშურის მუნიციპალიტეტის საკრებულოს 2017 წლის 4 დეკემბრის №39 დადგენილების საფუძველზე, როგორც მუნიციპალიტეტის მერიის სტრუქტურული ერთეული, უზრუნველყოფს ეკონომიკური მუნიციპალური პროგრამების შემუშავებას, სტატისტიკური ინფორმაციის შეგროვება-დამუშავებას, მუნიციპალიტეტის სივრცითი - ტერიტორიული დაგეგმვისა და ქალაქმშენებლობის დოკუმენტების შემუშავებას, მშენებლობის ნებართვის თაობაზე გადაწყვეტილების მომზადებას, მუნიციპალიტეტის ქონების განკარგვას და მართვას.

სამსახური თავის საქმიანობას წარმართავს მოქმედი კანონმდებლობის, მერიის დებულების, ეკონომიკური განვითარების სამსახურის დებულების, საქართველოს მთავრობის 08.12.2014წ. №669, 20.02.2014წ. №189 დადგენილებების და მუნიციპალიტეტის სხვა სამართლებრივი აქტების შესაბამისად. სამსახური შედგება სამსახურის ხელმძღვანელისა და მეორადი სტრუქტურული ერთეულებისგან-განყოფილებებისაგან:

1. მუნიციპალური ქონების აღრიცხვისა და მართვის განყოფილება;
2. სივრცითი მოწყობის და არქიტექტურულ-სამშენებლო საქმიანობის რეგულირების განყოფილება.

სამსახურის საშტატო განრიგი შედგება, სამსახურის უფროსის, განყოფილების ხელმძღვანელის, განყოფილების ხელმძღვანელის მ/შ და 8 მოხელისაგან - (სივრცითი მოწყობის და არქიტექტურულ-სამშენებლო საქმიანობის რეგულირების განყოფილება-4; მუნიციპალური ქონების აღრიცხვისა და მართვის განყოფილება-4).

საშურის მუნიციპალიტეტის მერიის ეკონომიკური განვითარების სამსახურის, მუნიციპალური ქონების აღრიცხვისა და მართვის განყოფილების მიერ, მოქმედი კანონმდებლობისა და დებულების შესაბამისად, გატარებულია რიგი ღონისძიებები და პროცედურები.

2022 წელს - წიაღის ეროვნული სააგენტოდან შემოსულია 32 მომართვა, სასარგებლო წიაღისეულის მოპოვების ლიცენზიის გაცემის მიზანშეწონილობის თაობაზე დაკმაყოფილებულია 10 მოთხოვნა, 22 მოთხოვნა არ დაკმაყოფილდა.

სახელმწიფო ქონების ეროვნული სააგენტოს ბრძანებით, მუნიციპალიტეტის საკუთრებაში, დამატებითი ქონების სახით გადმოგვეცა შემდეგი უძრავი ქონება: (17)

- საშური, დაბა სურამი ს/კ 69.04.59.750;
- საშური, სოფ. ცხრაშუხა ს/კ 69.11.52.302;
- საშური, დაბა სურამი ს/კ 69.04.61.664;
- საშური, დაბა სურამი ს/კ 69.04.59.760;
- საშური, რუსთაველის ქუჩა ს/კ 69.08.63.608;
- საშური, შუშის ქარხნის დასახლება 4, სართული 1. ს/კ 69.08.21.280.01.501;
- საშური, რუსთაველის ქუჩა ს/კ 69.08.63.630;
- საშური, კოსტავას ქუჩა. ს/კ 69.08.58.490;
- საშური, რუსთაველის ქუჩა, ს/კ 69.08.58.489;
- საშური, რუსთაველის ქუჩა, ს/კ 69.08.59.569;
- საშური, ხეთაგუროვის ქუჩა, ს/კ 69.08.52.478;
- საშური, რუსთაველის ქუჩა, ს/კ 69.08.59.570;
- საშური, სოფელი ალი, ს/კ 69.01.59.348;
- საშური, რუსთაველის ქუჩა, ს/კ 69.08.59.587;
- საშური, რუსთაველის ქუჩა, ს/კ 69.08.63.629;
- საშური, ფარნავაზის ქუჩა, ს/კ 69.08.64.340;
- საშური, ფარნავაზის ქუჩა, ს/კ 69.08.64.341.

მომზადდა საპრივატიზებო და სარგებლობის უფლებით გადასაცემი ობიექტების ნუსხა და დოკუმენტაციის შესაბამისი პაკეტი. არ შედგა ელექტრონული აუქციონი, საშურის მუნიციპალიტეტის საკუთრებაში არსებული საშურში, სოფელ ოსიაურში მდებარე (ს/კ 69.03.55.294) არასასოფლო-სამეურნეო დანიშნულების მიწის ნაკვეთის და მასზე განთავსებული შენობა-ნაგებობის პრივატიზებაზე. აუქციონი შედგა საშურის მუნიციპალიტეტის, სოფელ ნაცარგორაში მდებარე (ს/კ 69.05.57.266) არასასოფლო-სამეურნეო დანიშნულების მიწის ნაკვეთის და მასზე განთავსებულ შენობა-ნაგებობაზე. ქონების საწყისი საპრივატიზებო საფასური იყო 5000 ლარი, აუქციონის შედეგად შემოთავაზებული ფასი არის 5250 ლარი.

2022 წლის 13 დეკემბერს გამოცხადდა უპირობო ელექტრონული აუქციონი საშურის მუნიციპალიტეტის საკუთრებაში არსებული ავტომანქანების თაობაზე: 1. „TOYOTA LANDCRUISER PRADO“ (სახელმწიფო ნომერი 779) და 2. „HYUNDAI TUCSON“ (სახელმწიფო ნომერი 778). შედგა ელექტრონული აუქციონი საშურის მუნიციპალიტეტის საკუთრებაში არსებული ავტომანქანაზე „TOYOTA LANDCRUISER PRADO“ (სახელმწიფო ნომერი 779), ქონების საწყისი საპრივატიზებო საფასური იყო 25 500 ლარი, აუქციონის შედეგად შემოთავაზებული ფასი არის 25 700 ლარი. არ შედგა ელექტრონული აუქციონი, საშურის მუნიციპალიტეტის საკუთრებაში არსებულ ავტომანქანაზე „YUNDAI TUCSON“ (სახელმწიფო ნომერი 778).

2022 წელს, პრივატიზების შედეგად, მიღებული თანხა განისაზღვრა 30 950 ლარით.

საშურის მუნიციპალიტეტის საკუთრებაში არსებული ქონების

საპრივატიზაციო ობიექტების ნუსხაში სულ შეტანილია 12 ობიექტი, ასევე, დაინტერესებული პირების მომართვის საფუძველზე, მიმდინარეობს საპრივატიზებოდ მიმზიდველი უძრავი ქონების შერჩევა-შეფასების პროცესი.

მოქალაქეთა საცხოვრებელი ფართით დაკმაყოფილების მოთხოვნათა ელექტრონულ ბაზაში შეყვანილია - 17 ბენეფიციარი.

საქართველოს მთავრობის 2014 წლის 20 თებერვლის №189 დადგენილებით, კანონიერი მოსარგებლისათვის გადასაცემი არაპრივატიზებული საცხოვრებელი და არასაცხოვრებელი (იზოლირებული და არაიზოლირებული) ფართობის ადგილობრივი თვითმმართველობის აღმასრულებელი ორგანოების მიერ კანონიერი მოსარგებლებისათვის უსასყიდლოდ საკუთრებაში გადაცემის წესის შესაბამისად, შემოვიდა 4 განცხადება, მომზადდა უარის ბრძანების 1 პროექტი, 3 განცხადება დაკმაყოფილდა და გაიცა საკუთრების მოწმობა.

2022 წელს- საშურის მუნიციპალიტეტის საკუთრებაში არსებული უძრავი ქონება: უსასყიდლო უზუფრუქტით და უსასყიდლო აღნაგობის ფორმით გადაეცა სხვადასხვა საჯარო სამართლის და არასამეწარმეო (არაკომერციული) იურდიულ პირებს, მათ შორის:

1. უსასყიდლო აღნაგობის ფორმით 49 წლით გადაეცა საქართველოს საპატრიარქოს უძრავი ქონება (ს/კ 69.03.60.904) ტაძრის მშენებლობისთვის, საშური, ყოფილი აგურის ქარხნის ტერიტორია.
2. უსასყიდლო უზუფრუქტის ფორმით, არსებობის ვადით, გადაეცა საქართველოს პარლამენტის ეროვნულ ბიბლიოთეკას (ს.კ.203845018), კულტურული მემკვიდრეობის ძეგლის სტატუსის მქონე დიმიტრი ყიფიანის სახლ-მუზეუმის ტერიტორიაზე მდებარე უძრავი ქონება (ს/კ 69.06.62.737), შემდგომში „დიმიტრი ყიფიანის საჯარო ბიბლიოთეკის“ განთავსების მიზნით.
3. უსასყიდლო უზუფრუქტის ფორმით გადაეცა, ა(ა)იპ საბიბლიოთეკო გაერთიანებას ა(ა)იპ-ის არსებობის ვადით, საშური, შუშის ქარხნის დასახლება №4-ში 1-ლ სართულზე მდებარე უძრავი ქონება, (ს/კ 69.08.21.280.01.501) ბიბლიოთეკის ფუნქციონირებისათვის.
4. უსასყიდლო უზუფრუქტის ფორმით გადაეცა, ა(ა)იპ საბიბლიოთეკო გაერთიანებას, ა(ა)იპ -ის არსებობის ვადით. საშური, კოსტავას ქ. მდებარე უძრავი ქონება (ს/კ 69.08.58.346.01.506), ამერიკის კუთხის ფუნქციონირებისათვის.
5. უსასყიდლო უზუფრუქტის ფორმით გადაეცა ა(ა)იპ „სკოლის-გარეშე სასპორტო საგანმანათლებლო დაწესებულების საშურის კომპლექსურ სასპორტო სკოლას, საშურში წმინდა ნინოს ქ. №1-ში მდებარე უძრავი ქონება (ს/კ 69.08.53.172) (სტადიონი) ა (ა)იპ -ის არსებობის ვადით.
6. უსასყიდლო უზუფრუქტის ფორმით, 7 თვის ვადით, გადაეცა ა(ა)იპ „ახალგაზრდები საშურის განვითარებისთვის“ (ს.კ. 443872855) საშურში, თამარ მეფის ქუჩა №1-ში მდებარე 236,46კვ.მ. უძრავი ქონება (ს/კ 69.08.58.260.01/501).
7. უსასყიდლო უზუფრუქტის ფორმით არსებობის ვადით გადაეცა ა(ა)იპ საქართველოს სამედიცინო ჰოლდინგს საშურის მუნიციპალიტეტის საკუთრებაში არსებული 7 ერთეული უძრავი ქონება (ამბულატორიები).
8. უსასყიდლო უზუფრუქტის ფორმით, 2 წლის ვადით, გადაეცა ა(ა)იპ საზოგადოება ბილიკს. საშურში, თამარ მეფის ქუჩა №1-ში მდებარე უძრავი ქონებიდან (ს.კ. 69.08.58.260.01/500) 229.44 კვ.მ არასაცხოვრებელი ფართი.

2022 წელს განახლდა ძველი ახალი იჯარის ხელშეკრულებები შემდეგ უძრავ ქონებაზე:

1. სს „საქართველოს ბანკი-ს ბანკომატისათვის. საშურში, ტაბიძის ქ. 2-ში (ს/კ 69.08.58.209)
2. სს „ლიბერთი ბანკი-ს, ბანკომატისათვის. საშურში, ტაბიძის ქ. 2-ში (ს/კ 69.08.58.209)
3. შპს „ჯეო დისტრიბუშენ გრუპი“-სათვის. საშურში, რუსთაველის ქ. მემორიალის მიმდებარე (ს/კ 69.08.58.267) 202კვ.მ-დან 20კვ.მ.
4. შპს „ვიონი საქართველო“-სთვის. საშური, ტაბიძის ქ. 2-ში მდებარე 16,50კვ.მ. უძრავი ქონება (სარდაფი) (ს/კ 69.08.58.209.01/509).

2022 წელს იჯარით გაცემული ობიექტებიდან შემოსული თანხა განისაზღვრა 24 880,29 ლარით, ხოლო საშურის მუნიციპალიტეტის ტერიტორიაზე, სახელმწიფოს საკუთრებაში არსებული ქონების პრივატიზებიდან შემოსულმა თანხამ შეადგინა 261 000 ლარი.

დაწეულია საქმისწარმოება უძრავი ქონების იჯარის ფორმით გადაცემასთან დაკავშირებით შემდეგ ობიექტებზე:

1. შპს „რეფერალური დახმარების ცენტრისათვის“,
2. შპს „მაგთიკომისათვის“ ტაბიძის ქ.№2-ში მდებარე 33 კვ.მ ფართის გადაცემისათვის.
3. სს „სილქნეტისათვის“ გარე განათების კონსტრუქციების ნაწილის გადაცემა (76 ბოძის) ოპტიკურ ბოჭკოვანი კაბელის განთავსებისათვის.

საშურის მუნიციპალიტეტის ეკონომიკური განვითარების სამსახურის მუნიციპალური ქონების აღრიცხვისა და მართვის განყოფილების

ხაშურის მუნიციპალიტეტის მერიის ეკონომიკური განვითარების სამსახურის მიერ 2022 წელს გაწეული საქმიანობის ანგარიში

დასასრული, დასაწყისი იხ. მე-2 გვერდზე

მიერ ეტაპობრივად ხორციელდება მუნიციპალიტეტის ბალანსზე არსებული უძრავი ქონების საჯარო რეესტრის ეროვნულ სააგენტოში რეგისტრაცია. დასრულდა მუნიციპალიტეტის მერიის ბალანსზე არსებული ამორტიზებული მოძრავი ქონების ლიკვიდაციის (ჩამოწერის) პროცესი, ასევე, მიმდინარეობს მუნიციპალიტეტის ბალანსზე არსებული უძრავ-მოძრავი ქონების ინვენტარიზაცია. 2022 წელს, მერიის რეზოლუციით დაგეგმულია 447 კორესპონდენცია, რომლის 95% შესრულებულია.

მოქალაქეთა მიერ შემოტანილი განცხადებების საფუძველზე, განხილული და დამტკიცებული იქნა მიწის ნაკვეთის სამშენებლოდ გამოყენების პირობები - 110 შემდგომში ნებართვების მისაღებად, შეთანხმებულია - I კლასის ობიექტების მშენებლობის 105 პროექტი, შეთანხმებულია დოკუმენტაცია მიწის ნაკვეთის კატეგორიის ცვლილების შესახებ - 32, დადგინდა ბინათმესაკუთრეთა ამხანაგობის საკუთრებაში არსებული მიწის ნაკვეთების საზღვრები - 6, შესრულდა მიწის ნაკვეთების გაყოფის - 203 და გაერთიანების 72 განცხადება, პასუხი გაეცა ფიზიკური და იურიდიული პირებისგან შემოსულ მრავალ მომართვასა და განცხადებას.

გაიცა მშენებლობის 92 ნებართვა, მათ შორის: საზოგადოებრივი ნაგებობებზე - 3, საცხოვრებელ სახლებზე - 32, კომერციულ ობიექტებზე - 18, დემონტაჟი - 9, რეკონსტრუქცია - 14, სასაწყობე შენობებზე - 1, ავტოფარეხი - 1, ავტოსერვისი - 7, ფერმა - 1, პროფესიული სასწავლებელი 1, სასტუმრო - 3, ანბა - 2.

გაცემულია ნებართვა მოცულობით დიდ ობიექტებზე: ხაშურის მუნიციპალიტეტი, დაბა სურამი, 26 მაისის ქუჩაზე მდებარე 69.04.60.286 საკადასტრო კოდით რეგისტრირებულ მიწის ნაკვეთზე შპს „ივერია“-ს ოთხსართულიანი სასტუმროს მშენებლობისთვის, ხაშურის მუნიციპალიტეტი, იმერეთის ქუჩაზე მდებარე 69.08.60.745 საკადასტრო კოდით რეგისტრირებული შპს „გეო-2008“-ის სავაჭრო ცენტრის მშენებლობაზე.

დამტკიცდა მიწის ნაკვეთის სამშენებლოდ გამოყენების პირობები სოფელ ქვიშხეთში ხუთსართულიანი სასტუმროს მშენებლობისათვის სანებართვო დოკუმენტაციის მოსამზადებლად.

მშენებლობის სანებართვო მოსაკრებლებიდან შემოსულმა თანხამ შეადგინა 35 300 ლარი.

დამტკიცდა, განაშენიანების დეტალური გეგმა: ხაშურის მუნიციპალიტეტი, დაბა სურამი, სოფელი ჩუმათელეთი 69.04.56.308 საკადასტრო კოდით რეგისტრირებულ მიწის ნაკვეთზე შპს „პარკოტელის“-ს სასტუმროების კომპლექსის მშენებლობისათვის და გაიცა მშენებლობის ნებართვა.

განხილვის პროცესშია სივრცითი დაგეგმარების მოსამზადებელი დოკუმენტაცია სოფელ ალექსანდრესწყაროში ახალი დასახლების მიწათსარგებლობისთვის განაშენიანების რეგულირების გეგმის შესამუშავებლად.

სერგო ლალიაშვილი, ეკონომიკური განვითარების სამსახურის ხელმძღვანელი

ხაშურის სამუხეუმო გაერთიანებაში დაცული ნაქარგობის ნიმუშები

ქართული ქარგულობა უძველესი დროიდან იყო განთქმული. ქარგვას, ისევე როგორც ხელსაქმის სხვა სახეობებს, ქალს ბავშვობიდანვე ასწავლიდნენ. ქარგვა ქართველი ქალების საყვარელი საქმიანობა იყო. ხელსაქმის ცოდნა მანდილოსნისთვის საგაღებულად კი გახლდათ. ჩვენამდე მოღწეული ქართული ნაქარგობები თამამად შეიძლება მივიჩნიოთ ხელოვნების ნიმუშებად, რაც ძველი ქართველი ოსტატების დახვეწილ გემოვნებაზე მეტყველებს. მქარგველები უმეტესად ბუნებრივ საღებავებს იყენებდნენ. ყველა ოსტატის მიზანი იყო, სამოსს წლებისთვის გაეძლო და ძაფი არ გაუფერულებულიყო. ამისთვის ძაფს ძმრით, წილითა და მარილით ტყიცავდნენ. ძირითადი საქარგი მასალა არის ოქროსა და ვერცხლის თმა, ოქრომკედი, ვერცხლმკედი და აბრეშუმის ძაფი. ქარგვის პროცესი, უწინარესად, ქარგას, საქარგავ დაზგას უკავშირდება. ქსოვილის ქარგაზე დამაგრებამდე, მასზე სასურველი გამოსახულების დატანა უძველესი დროიდან ორი წესით ხდებოდა (სახე მხოლოდ დანახველებს ქსოვილზე დაიტანება): 1. პირდაპირ ქსოვილზე (მიწარზე) ბასმით, მელნით ან ფანქრით იხატებოდა მოსაქარგი სახე ან კომპოზიცია; 2. თხელ ტყავზე ან ქაღალდზე შესრულებული ნახატი კონტურზე ნემსით (ან მახათით) იხველიტებოდა. შემდეგ დადებდნენ მოსაქარგ ქსოვილზე, ზედ გადაატარებდნენ ბადისებერ პატარა ტომარაში ჩაყრილ ნაცარს ან ცარცს, რომელიც კონტურის ნახერცებში გადიოდა და მასზე ნაცარის კვალს ტოვებდა. კვალზე მონახაზ



კონტურს, ქარგაზე დამაგრებულ მოსაქარგ ქსოვილსა და მუსატილოზე ნემსითა და ძაფით „სვამდნენ“, აფიქსირებდნენ. ქარგვისას იყენებდნენ რკინის მაქობს-დუთიფილებს, რომლის სწორი მოხმარებაც ნაქარგის რელიეფურობას განაპირობებდა. ქარგვის გასრულების შემდეგ, მქარგავი მას დატყიცავდა, გაჯანდრავდა, რასაც ხის ან ეშვის ენერგიული გასმით ახერხებდა.

ძვირფასი მასალით, მისი სიძვირის გამო, ძირითადად, მაღალი წრის ქალბატონები ქარგავდნენ ეკლესია-მონასტრებსა და დიდგვაროვანთა სახლებთან არსებულ სახელოსნოებში, თუმცა, აქ სოციალურად დაბალი წრის ქალებიც იყვნენ დასაქმებულნი. მქარგველნი ნაქარგში ასახავდნენ თავიანთ ნიჭსა და გემოვნებას. ხელსაქმისადმი განსაკუთრებული დამოკიდებულება ყველა ფენისა და წოდების ქალთა ნამუშევრებში შეინიშნება. ქარგვის ხელოვნების სრულყოფას ხელს უწყობდა საქართველოში აბრეშუმის წარმოების უძველესი ტრადიცია, ამასთანავე, იმპორტული აბრეშუმის შემოღებაც. ოქრომკედისა და ვერცხლმკედის გარდა, ქარგულობაში დიდი ადგილი ეჭირა აბრეშუმის ფერადი ძაფით ქარგვას. ხელსაქმის ოსტატებს შორის იყვნენ ისეთებიც, რომელთა ნაწარმი საექსპორტოდ გაჰქონდათ. ქართველ ქალთა ოსტატობა განსაკუთრებით, გამოვლინდა ფეოდალური ხანის საეკლესიო ნაქარგობასა და საერო სამოსის მოქარგვა-გამშვენებაში. გვ. 284. ქართული ტრადიციული სამოსი.

ქარგვისას გამოიყენებოდა როგორც დაგრეხილი, ისე შლილი აბრეშუმის ძაფი. დაგრეხილი ნაკვეთად მზინვარა და მას ორმხრივი „სითვით“ (ანუ ქარგვით, უძველესი დროიდან სითვა ქარგვას ნიშნავს) ქარგვისას იყენებენ, ხოლო დაუგრეხავი ატლასისებური სიპრიალით გამოირჩევა და ამგვარ ნაქარგს „ატლასურს“ უწოდებენ. საქარგავი მასალა იყო „ზეზიც“ (აბრეშუმის ფერად ძაფზე შეგრეხილი ოქროს და ვერცხლის თმა), რისი გამოყენებაც საქარგავ მასალად მხოლოდ საქართველოში დასტურდება.

ოქრომკედის ხელობის მცოდნეთ „სრული ხელობის ოსტატებს“ უწოდებდნენ. ოქრომკედი ორი სახის ძაფის ერთობაა. გაბრტყელებული ოქროს თმა ეხვეოდა საშუალო სიმსხო აბრეშუმის შლილ ძაფს, ანუ მკედს. მიღებული ძაფით იქარგებოდა როგორც საერო, ისე საეკლესიო დანიშნულების ნივთები. ძაფის

სტრუქტურადან გამომდინარე, ქარგვისას მისი გაყრა არ ხდებოდა ქსოვილში, ის ზემოდან მაგრდებოდა აბრეშუმის იმ ფერის ძაფით, რომელიც შეესაბამებოდა ოქრომკედსა თუ ვერცხლმკედს. ქართულ წერილობით წყაროებში ნახსენებ ტერმინ „ოქრონემსულს“ მოგვიანო ხანის ძეგლებში ოქრომკედით ნაკერი შეესატყვისება. ისტორიულ პერიოდში, საინგილოში, ოქრომკედით ნაქარგს „ზარბაზს“ უწოდებდნენ. ძვირფას ქსოვილებზე ოქრომკედით ნაქარგ სახეებში ხშირად ურთავდნენ მარგალიტს, ფერად მძივებსა და პატოსან თევლებსაც. მე-19 საუკუნის დამდეგს ირანსა და ოსმალეთში გატანილი ქართული ოქრომკედული ნაქარგობა საუკეთესო ნახელავად ითვლებოდა მთელ აზიაში და ყველაზე ძვირად ფასობდა.

საეკლესიო და საერო დანიშნულების ნაქარგი ნივთები საქართველოში უძველესი დროიდანვე არსებობდა. ქართული ნაქარგობის ნიმუშებს შორის განსაკუთრებული მნიშვნელობა აქვს ე. წ. „დაფარნებს“, ანუ საფარებლებს. ბერძნულად მას „აერ“ ერქვა. 1142 წლის ათონის მონასტრის აღწერებში მოხსენიებული საფარებელი ქართულმა „დაფარნის“ სახელით შეითვისა. „დაფარნებს“ „გარდამოსხნის“ მრავალფეროვანი კომპოზიციებით განსაკუთრებული დანიშნულება აქვთ. ისინი სხვა საეკლესიო ნივთთან იმთავითვე განსხვავდებიან, რომ მათ ზედაპირზე ამოქარგული გამოსახულება ცალკეულ ფიგურებს ან ორნამენტებს კი არ შეიცავს, არამედ საკმაოდ რთულ სიუჟეტურ კომპოზიციას, რომელიც დაკავშირებულია ქრისტიანული იკონოგრაფიის მრავალსაუკუნოვან ტრადიციასთან.

ქრისტიანული ტრადიციით, „გარდამოსხნა“ (ბერძნულად „ეპიტაფიოს“, რუსულად „პლაშენიცა“) წარმოდგენილია იმ არდაგად („არმენაკი წმინდა“), რომელზეც დასვენებული და შემდეგ შეგრაგნილი იყო ჯვრიდან გარდამოსხნილი ქრისტეს სხეული. ოთხზე სახარების თანახმად, გარდამოსხნილი ქრისტე „წაგრაგნა“ იოსებ არიმთიელმა „საფლავის დადების წინ“ („კითარცა ჩვეულება არს ურითა დაფლვისა“). იოანეს სახარებაში „წაგრაგნის“ თანამონაწილედ მოხსენიებულია ნიკოდიმოსი. არდაგზე გამოსახულია ჯვრიდან გარდამოსხნილი, მიწაზე ან სარცველზე დასვენებული გარდაცვლილი ქრისტე, რომელიც, ჩვეულებრივ, ანგელოზებით და მტრალი ახლობლებითაა გარშემორტყმული.

„გარდამოსხნა“ საქართველოში ბიზანტიიდან შემოღის. მისი მთავარი ეპიზოდი, ქრისტეს ტირილი, მეთერთმეტე საუკუნის ბერძნულ მინიატურებში გვხვდება. ამავე საუკუნის მეორე ნახევრის მინიატურებში უკვე შემუშავებულია ქრისტეს ტირილის კომპოზიციის იკონოგრაფიული სახე. ღვთისმშობელს შვილი ჩაქრული ჰყავს გულში და დედობრივი სიყვარულით ლოყა ლოყაზე აქვს მიდებუნი. ამ სურათს ავსებს მძაფრი მოძრაობით გამოხატული ნიკოდიმოსისა და იოსების მწუხარება, მარიამ მაგდალინელის ხელაღმართული გლოვის პოზა და მწუხარე ანგელოზები.

„გარდამოსხნის“ სიუჟეტი ქართულ წერილობით წყაროებში მე-12 საუკუნიდან ჩნდება. საინტერესოა, ამ პერიოდის გელათის ოთხთავის მხატვრობა, სადაც ქრისტეს სხეული ღვთისმშობლის კალთაში ასვენია, ნიკოდიმოსსა და იოსებს გაჭიმული ფეხები უჭირავთ, ამას ემატება კიდევ იოანეს მოკრძალებული მწუხარე ფიგურა.

ჩვენამდე მოღწეული ნაქარგი „გარდამოსხნებიდან“ უძველესია მეფე გიორგი VIII-ს (1446-1466 წ. წ.) დაკვეთით ნაქარგი გარდამოსხნა, რომელიც შესრულებულია ლურჯი აბრეშუმის ქსოვილზე (192 სმ 158 სმ). მოსე ჯანაშვილის მონათხრობით, ეს „გარდამოსხნა“ 1614 წელს შაჰ აბასს მცხეთიდან გაუტაცია სპარსეთში და ყაჯარად გამოუყენებია (ვახტანგ ბერიძე). „ქართული ნაქარგობის ისტორიიდან“. თბილისი, 1983 წ. გვ. 13.), ცხენისთვის უნაგირად დაუფენია. მაშინ სპარსეთში რაღაც წყლული გავრცელებულია, რომელიც მოსახლეობას დიდ უბედურებას აყენებდა, რაც შაჰს ღვთის რისხვისთვის მიუწერია „გარდამოსხნის“ შეურაცხყოფისთვის და ეს უკანასკნელი დიდი საჩუქრებით ისევ მცხეთისთვის დაუბრუნებია.

აღნიშნული „გარდამოსხნა“ ნაქარგია დამაგრებული „სითვით“ და ყაისნაღური ნაკეთობით. ნახმარია ოქროცურვილი ვერცხლის თმა (რომლის დამაგრებისას გამოყენილია პაწაწინა რომები, ტეხილი ტალღისებური ხაზები, „ლიანდაგურა“, „თევზის ფხური“, ან „სადა სითვი“) და ფერადი აბრეშუმის ძაფი. ოქროცურვილ თმას, ნაქარგობის მცირე რელიეფურობისათვის ქვემოდან უღვეს ჩაღისფერი დაუგრეხავი აბრეშუმის ძაფი (ქეთევან დავითაშვილი. ქართული ნაქარგობის ძეგლები. ძეგლის მეგობარი. №31-32. თბილისი. 1973 წ. გვ. 32.). ფონი-

გაგრძელება მე-5 გვერდზე

(გაგრძელება. დასაწყისი იხ. „ბმ“ #21,22,23,24,25,26,27,28,29 2020 წ. 2021 წ. #1,2,3,4,5,6,7,8,9,10,11,12,13,14,15,16,17,18,19,20,21,22,23,24,25,26,29,31,33, 34,35,40,41,42,43..2022 წ. #1, 2,3,4,5,6,7,8,9,10,11,12,13,14,15,16,17,18,19,20,21,22,23,24,25,26,27,28,29,30,31,32,33,34,35,36,37,38,39,40,41,46,47,48,49,50. 2023წ.#1,2,3, 7, 8)

80-იანი წლების ბოლოს, „ივერიის“ წარმატებულ ასპარეზობაში განსაკუთრებული წვლილი მიუძღვით თემურ კობერიძეს და ვლადიმერ ხაჩიძეს. მათ 1989 წელს თითქმის დაშლილი გუნდი ხელმეორედ შექმნეს და I ჯგუფში მეხუთე ადგილზე გავიდა. ამავე წელს „ივერიაში“ მონაწილეობა მიიღო ტურნირში, რომელიც უკრაინაში, ყირიმში გაიმართა, III საპრიზო ადგილი დაიკავა და უნგრეთის საგზური მოიპოვა ორი ამხანაგური მატჩის ჩაასატრეზად.

1990 წლის იანვარში შეიქმნა პროფესიული საფეხბურთო კლუბი „ივერია“, რაც დიდმნიშვნელოვანი მოვლენა იყო ქალაქის სპორტულ ცხოვრებაში. იმავე წლის მარტში, საფეხბურთო სეზონის დაწყებამდე ორი კვირით ადრე, ცნობილი გახდა, რომ საფეხბურთო გუნდი „ივერია“ საქართველოს ჩემპიონატის უმაღლეს ლიგაში იასპარეზებდა. ამ გადაწყვეტილებამ დიდი სიხარულით აღაყვარა გულშემატკივრები, მაგრამ გუნდი გარკვეული პრობლემის წინაშე აღმოჩნდა. ფაქტობრივად, გუნდი ახლიდან უნდა შექმნილიყო და მოწესრიგებულიყო სტადიონი.

ქალაქის წარმოება-დაწყებულებებმა და ფეხბურთის ცალკეულმა გულშემატკივრებმა სათანადოდ შეაფასეს „ივერიის“ წარმატება და შექმნილი მდგომარეობა და აქტიურად ჩაერთნენ მთელი რიგი პრობლემების გადაჭრაში. დღითიდღე იზრდებოდა კლუბი „ივერიის“ შემადგენლობა კოლექტიური და ინდივიდუალური წევრების სახით, რომლებიც ფინანსურად ეხმარებოდნენ მას. გამოჩნდა ორგანიზაციები, რომლებმაც „შემოსეს“ გუნდი.

მარტის ბოლოს „ივერიაში“ უკვე განაცხადი წარადგინა საქართველოს საფეხბურთო ჩემპიონატში მონაწილეობისთვის. განაცხადში 16 ფეხბურთელი იყო შეყვანილი. რაც შეეხება სტადიონის პრობლემებს, გადაწყდა დაწყებულიყო მისი სარემონტო-სარეკონსტრუქციო სამუშაოები, მანამ კი მხოლოდ გასვლითი თამაშები ექნებოდა გუნდს, ხოლო სამუშაოების დამთავრებამდე რომელიმე მეზობელი რაიონის სტადიონი აეღოთ იჯარით.

31 მარტს „ივერიაში“ პირველი მატჩი გამართა გალის „მზიურთან“, მიუხედავად წაგებისა (1:0), „ივერიის“ თამაში მაინც ოპტიმისტურად განაწყობდა ფეხბურთის მესვეურებს. მართალია, გუნდი ორი კვირის შექმნილი იყო და ჯერ კიდევ აკლდა სათამაშო პრაქტიკა, მაგრამ მწვრთნელებისა და თავად ფეხბურთელების მონდობა ამის საფუძველს ქმნიდა. გაღებულთან „ივერია“ შემდეგი შემადგენლობით თამაშობდა: მურადაშვილი, ჭანგურიძე, ცხორებაშვილი, ამბოკაძე, ლაცაბიძე (ქიმერიძე), ხარაზიშვილი (ჭყონია), აბაზაძე, პოზიანი, თევზაძე (რობაქიძე), ჯაკობია, ტიტენიძე.

5 აგვისტოდან დიდი ფეხბურთის ასპარეზად იქცა ხაშური. ამ დღეს მწვობრში ჩაღდა ახალი სტადიონი და ქალაქში პირველად შემოაბიჯა ეროვნულმა ჩემპიონატმა. აქ თავი მოიყარეს ხაშურლებმა და სტუმრებმა სხვადასხვა რაიონიდან გაიმართა სტადიონის საზეიმო გახსნის ცერემონიალი. შესავალ სიტყვას ამბობს რაიონის სპორტკომიტეტის თავმჯდომარე ჯუმბერ კურტანიძე, შემდეგ დამსწრე საზოგადოებას მიმართა ხაშურის იოანე ნათლისმცემლის ეკლესიის მოძღვარმა მამა ჯუმბერმა. ვაჟთა მომღერალთა გუნდი ასრულებს „მრავალჟამიერს“, შემდეგ მწვანე მოედანზე პატარა გოგონების მონაწილეობით სრულდება ცეკვა „ქართული“. შემოაქვთ ეროვნული დროშა, რომელიც ხელთ უჭირათ „ივერიის“ სხვადასხვა თაობის კაპიტნებს: ჯუღუ ორჯონიკიძეს, თენგიზ კეკუტიას, ზურაბ მელაძეს და თენგიზ ოსაძეს. ისინი მაყურებელთა ტაშის გრიალში სტადიონის გარშემო აკეთებენ საპატიო წრეს.

შემდეგ შემოდინ ფეხბურთელები, დიქტორი კითხულობს ქართული ფეხბურთის ვეტერანის გრიშა ჯომარდიძის მილოცვის ტექსტს:

„ძვირფასო ხაშურელებო!
ძვირფასო ფეხბურთის გულშემატკივრებო!

ჯერ კიდევ ჩემი თაობა ოცნებობდა ფარული სურვილით საქართველოს დამოუკიდებელ ჩემპიონატზე ფეხბურთში. მაშინ წარმოუდგენლად გეჩვენებოდა ეს და რაოდენ ბედნიერი ვარ, რომ ამ დღესაც მოვესწარი. თანაც ორმაგი სიხარულია დღეს ჩემთვის – ეროვნულმა ჩემპიონატმა ახალ, მშვენიერ სტადიონზე შემოაბიჯა. ვწუხვარ, რომ ასეთ დღეს თქვენთან არ მიხდება ყოფნა.

გწუხვარ, დღეს ვერ გავიგონებ იმ ნაცნობ ყიჟინს, წლების მანძილზე რომ მალფრთოვანებდა, თუმცა, სულით და გულით მიგულით თქვენთან. ფეხბედნიერი ყოფილიყოს ეს დღე თქვენთვის ბიჭებო! წინ, ჩემო „ივერია“!

დაასრულა თუ არა ტექსტის კითხვა დიქტორმა, მოედანზე შემოიყვანეს ვეტერანი ფეხბურთელი გრიშა ჯომარდიძე, რომელსაც გულმა ვერ გაუძლო და ავადმყოფობის მიუხედავად სტადიონზე მოსვლა ისურვა... მთელი სტადიონი ფეხზე ადგომითა და ოვაციებით ხვდება ვეტერან ფეხბურთელს...

შემდეგ სიტყვებით გამოდიან რაისაბჭოს აღმასკომის თავმჯდომარე ანზორ დანელია, დავით აღმაშენებლის საზოგადოების ხაშურის ორგანიზაციის თავმჯდომარე მურთაზ ლიპარტელიანი, ეროვნული დამოუკიდებლობის პარტიის ხაშურის ორგანიზაციის თავმჯდომარე აქვესენტი გოგოლაძე...

მოედანზე გამოდიან ფეხბურთის მოთამაშენი. მედუღუკეთა ანსამბლი, ვასილ ღონდაძის ხელმძღვანელობით, ასრულებს „სალადობოს“. გუნდის კაპიტნები გოჩა ფარფალია (გალის „მზიური“) და ვანო ხარაზიშვილი („ივერია“) ეროვნულ დროშას ამბარებენ აღმის აღსამართ ლატანზე, რომელიც სულ მალე მიიწევს. იმავდროულად, ვაჟთა ვოკალური გუნდი (ხელმძღვანელი ა. ნემსაძე) ასრულებს საქართველოს ჰიმნს „დიდება“...

ბურთზე პირველი დარტყმა და თამაშში შეყვანის უფლება მიენიჭა „ივერიის“ ყოფილი მეკარის დავით ჩაღუნელის ვაჟს.

ასე დაიწყო პირველი ეროვნული მატჩი ხაშურში...
იმ დღეს „ივერია“ ასეთი შემადგენლობით თამაშობდა: ზ. მურადაშვილი, გ. ქიმერიძე, ლ. ცხორებაშვილი, კ. ამბოკაძე, მ. ლაცაბიძე, გ. ხარაზიშვილი,

ბ. აბესაძე, ბ. თევზაძე, გ. ჭინჭარაული, ო. ტიტენიძე, უფროსი მწვრთნელი გ. ხაჩიძე, კლუბის პრეზიდენტი რ. ჯობაძე.

1996 წლიდან „ივერია“ I ჯგუფში თამაშობს. ქვეყანაში შექმნილი მძიმე ფინანსური და ეკონომიკური მდგომარეობა მიიმედ აისახა გუნდის საქმიანობაზე.

სხვადასხვა დროს „ივერიის“ წარმატებაში თავიანთი წვლილი შექონდათ მწვრთნელებს: ნ. ქურდაძე, ნ. იკაშვილი, ბ. კიკნაძე, ჯ. ანთაძე, თ. ოსაძე, თ. კობერიძე, ვლ. ხაჩიძე და მ. ლაცაბიძე.

50-იანი წლებიდან ხაშურში და მის რაიონში ქართული ჭიდაობის გვერდით ვითარდება კლასიკური, თავისუფალი და ჭიდაობის სხვა სახეობები. ხაშურელი სპორტსმენები წარმატებით გამოდიოდნენ რესპუბლიკური, საკავშირო და ევროპის შეჯიბრებებში.

ქართულ ჭიდაობაში ქალაქისა და რაიონის ღირსებას სხვადასხვა წლებში იცავდნენ: ივანე ლიჩელი, ოთარ შერაზადაშვილი, დავით მეტრეველი, ჯონდო კაპანაძე, თამაზ ელბაქიძე, დავით ნოზაძე და სხვები. ქართული ჭიდაობის კარგი ტრადიცია დამკვიდრდა სოფლებში: ურთხვა, ვაყა, ალი, ოსიაური, ფლევი... თითქმის ყველა ამ სოფელში 70-80-იან წლებში გააკეთდა საჭიდაო არენები.

ხაშურელი სპორტსმენები სისტემატურად ღებულობენ მონაწილეობას როგორც საქართველოს, ისე საკავშირო პირველობაში თავისუფალ, კლასიკურ, ასევე ძიუდოში და აღწევენ გარკვეულ წარმატებებს.

ჭიდაობის განვითარებას ხაშურში განსაკუთრებული ღვაწლი დასდო გიორგი ბარბაქაძემ, რომელსაც 1972 წელს სპორტში ხანგრძლივი და ნაყოფიერი მუშაობისათვის მიენიჭა საქართველოს

დამსახურებული მწვრთნელის წოდება კლასიკურ ჭიდაობაში. მან არაერთი სახელოვანი სპორტსმენი აღზარდა. საქართველოს, საბჭოთა კავშირისა და მსოფლიოს ჩემპიონის წოდება მოიპოვა თამაზ კიკნაძემ, საქართველოს, საბჭოთა კავშირის ორგზის პრიზიორი და შეიარაღებული ძალების საკავშირო ჩემპიონი გახდა ნიკოლოზ მირაქოვი. საქართველოს სამგზისა და „შრომითი რეზერვების“ მრავალგზის ჩემპიონი იყო ნოდარ მაჭარაშვილი.

განსაკუთრებული მიღწევებით აღინიშნა რამაზ ხარშილაძის სპორტული ბიოგრაფია. მან სპორტულ სარბიელზე გამოსვლა ქართული ჭიდაობით დაიწყო. ნაცარგორელი ბიჭი ტოლს არავის უდებდა და სშირად უფროსი ასაკის მოჭიდავეებსაც გულდაგულ ერკინებოდა. მეზობელ სოფლებში თანდათან ცნობილი გახდა მისი მკლავის ძალა და სულ მალე რაიონის ჩემპიონიც გახდა. მისი სპორტული ნიჭი შეუმჩინეველი არ დარჩა გიორგი ბარბაქაძეს და დაიწყო მისი წვრთნა.

რამაზი თანდათან ოსტატდებოდა, იძენდა გამოცდილებას, მალე მისი სახელი რესპუბლიკაშიც გახდა ცნობილი: 1967 წელს იგი საქართველოს ჩემპიონი გახდა ქართულ ჭიდაობაში ჭაბუკთა შორის და კვარცხლბეკიდან არ ჩამოსულა სამი წლის განმავლობაში. წარმატებებს წარმატებები მოჰყვა. 1968 წელს გახდა „დინამოს“ ცენტრალური საბჭოს ჩემპიონი ჭიდაობა სამბოში, ხოლო 1969 წელს საბჭოთა კავშირის ჩემპიონი ჭაბუკთა შორის.

ქართული ჭიდაობით მადლმოსილი რამაზ ხარშილაძე იოლად ეუფლება ძიუდოსაც. 1969 წელს ბერლინში, ევროპის პირველობაზე ძიუდოში იგი მესამე საპრიზო ადგილზე გამოდის. ამ შედეგს იმეორებს თბილისში ძიუდოსტთა საერთაშორისო ტურნირზეც. მოსკოვში 1971 წელს გამართულ ჭაბუკთა საკავშირო პირველობაზე ჩემპიონი ხდება, ხოლო ნეაპოლში, ევროპის ახალგაზრდა მოჭიდავეთა პირველობაზე მეორე ადგილზე გადის...

რამაზ ხარშილაძემ, მრავალგზის საერთაშორისო ტურნირებში გამარჯვებულმა, დამსახურებულად მოიპოვა 8-ჯერ სსრ კავშირის ჩემპიონობა, ორჯერ სსრ კავშირის ხალხთა სპარტაკიადის ჩემპიონობა, ევროპის ჩემპიონობა, მსოფლიოს პირველობაზე – მესამე ადგილი, ოლიმპიურ ასპარეზობაზე კი ვერცხლის მედალი.

რაიონში ჭიდაობის განვითარებაში თავისი წვლილი შეიტანა ხაშურის სასპორტო სკოლის თავისუფალი ჭიდაობის სექციის მწვრთნელმა, სპორტის ოსტატმა ვახტანგ კვინიკაძემ. მისმა აღსაზრდელებმა – გიორგი ჯვალაძემ, გელა გელაშვილმა და დიმიტრი აბრამაშვილმა წარმატებებს მიაღწიეს თავისუფალ ჭიდაობაში.

70-იანი წლებიდან აღმავლობას განიცდის კლასიკური ჭიდაობის სახეობაც. ამ სახეობაში ევროპის ჩემპიონი გახდა ნოდარ მაჭარაშვილი, მსოფლიო ჩემპიონი თამაზ კიკნაძე, საქართველოს ჩემპიონები გახდნენ: ნიკოლოზ ხვედელიძე, დავით ქასაშვილი, ამირან წიქვაძე და სხვები.

განსაკუთრებული პოპულარობით სარგებლობდა თავისუფალი ჭიდაობა. ამ სახეობაში სხვადასხვა დროს საქართველოს ჩემპიონები იყვნენ მები გ. და დ. ლომიძეები, მ. კიკნაძე, შ. ჯოდერდაშვილი, მ. კვინიკაძე, მ. მჭედლიძე და ა. აკოფიანი. ჭაბუკებს შორის ევროპის ჩემპიონი გახდა ვალერი გელაშვილი, სსრკ ჩემპიონი ვაჟა ცხორებაძე.

ხაშურში მძლეოსნობის განვითარება მჭიდროდ არის დაკავშირებული საქართველოს დამსახურებული მასწავლებლის, საქართველოს დამსახურებული მწვრთნელის ვლადიმერ ზანიერის სახელთან. მან მძლეოსნთა არაერთი თაობა აღზარდა, რომლებიც დღეს თავად ემსახურებიან მოზარდი თაობის აღზრდას.

60-იან წლებში ხაშურელ მძლეოსნებს შორის გამოირჩეოდა ხაშურის II საშუალო სკოლის მოსწავლე დალი ხვედელიძე. 1966 წელს მოსწავლეთა XVIII რესპუბლიკურ ჩემპიონატში მან ბადრო 31 მეტრსა და 60 სმ-ზე სტყორცნა და მესამე ადგილი დაიკავა. იმავე წელს საშემოდგომო პირველობაზე დალი ხვედელიძემ ბადრო 29,92 მეტრზე სტყორცნა და მეორე საპრიზო ადგილი დაისაკუთრა. დ. ხვედელიძის სპორტული ბიოგრაფია უფრო მნიშვნელოვანი მიღწევებით აღინიშნა 1967 წელს. 16-17 ნოემბერს გამართულ მოსწავლეთა საშემოდგომო პირველობაზე მძლეოსნობაში, მან ბადრო ტყორცნა 36.55 მეტრზე და საქართველოს ჩემპიონი გახდა. იგი შეყვანილი იქნა მოსწავლეთა რესპუბლიკურ ნაკრებ გუნდში და ყოველთვის წარმატებით ასპარეზობდა.

თამაზ ლაცაბიძე

(გაგრძელება იქნება)

ხაშურის სამუხეუმო გაერთიანებაში დაცული ნაქარგობის ნიმუშები

გაგრძელება, დასაწყისი იხ. მე-3 გვერდზე

მუქი ლურჯი სახეებიანი აბრეშუმი. ფიგუროვან კომპოზიციასა, წარწერებსა და გარეთა ბორღურში ძალიან ბევრი ოქროა გამოყენებული. ოქროთა მორთული ანგელოზები (სახეების გარდა), სერაფიმები, ქერუბიმები, მტირალთა და სხვა პერსონაჟთა მოსახსნამები, ქრისტეს წელსახევე, მახარებლები, საფლავები. გამოყენებულია აბრეშუმის ფერები: ლურჯი, ღვინისფერ-სოსანისფერი და ხორცისფერი(ქრისტეს სხეული, სახეები, ხელები). (ვახტანგ ბერიძე. „ქართული ნაქარგობის ისტორიიდან“. თბილისი, 1983 წ. გვ. 35.).

ხაშურის მხარეთმცოდნეობის მუზეუმის ნაქარგი საეკლესიო ნივთებიდან, საინტერესოა, ერთიანი იკონოგრაფიული კომპოზიციის დეტალი, რომელზე გამოსახული პერსონაჟების მდებარეობა და მოძრაობა მიგვანიშნებს, რომ ის უნდა ეკუთვნოდეს „გარდამოსხნის“ კომპოზიციასში შემავალ „საფლავედ დაღების“ სცენას.

ექსპონატი-ხმ 5794/ე-469-„გარდამოსხნის“ კომპოზიციის დეტალი, ნაქარგობა, ფერწერული ელემენტებით(47 სმ X 24 სმ). სავარაუდოდ, რუსული წარმომავლობის უნდა იყოს, მე-19 საუკუნეში შექმნილი. არ გამოვიცხავთ მის ქართულ წარმომავლობასაც, შესრულების ტექნიკის გამო. შესრულების ტექნიკა: ქარგვა, ზეთით ფერწერა(მასალა: მოქროვილი სპილენძის ძაფი, მოვერცხილი სპილენძის ძაფი, აბრეშუმის ძაფი, ბამბის ძაფი, ტილო, მუყაო, ზეთოვანი საღებავი).

„გარდამოსხნის“, როგორც ნაქარგობების შექმნა ძალიან რთული პროცესი იყო. პირველი ეტაპი კომპოზიციის შერჩევა და სატანადო ფონზე ამ კომპოზიციის მოხაზვა იყო. რუსეთში ამ მონახაზის გაკეთება მხატვარს ევალებოდა. ნახაზი სადებავით ან მედნით კეთდებოდა. მქარგველი კი მხოლოდ ამის შემდეგ შეუდგებოდა საქმეს (ვახტანგ ბერიძე. „ქართული ნაქარგობის ისტორიიდან“. თბილისი, 1983 წ. გვ. 84.). ფონად უმრავლეს შემთხვევაში აბრეშუმი გამოყენებული, ან ატლასი, ან, უფრო იშვიათად, „ამოსითუული“. იხმარებოდა სახეებიანი აბრეშუმიც, „ქამხა“, უფრო იშვიათად, ფონად ტილოს იყენებდნენ. ჩვენი „გარდამოსხნის“ ფონი, სწორედ, ტილოსია.

„გარდამოსხნის“ კანონიზირებული იკონოგრაფიული სიუჟეტის მიხედვით, შეიძლება განისაზღვროს ჩვენს ხელთ არსებულ დეტალზე გამოსახული პერსონაჟების ვინაობა, ესენია: იოსებ არიმათიელი და მის უკან მდგომი მწუხარე ანგელოზი. იოსები თითქმის არდავს კიდებს ხელს, რომელზეც იესოა დასვენებული, ორივე ფიგურა -ით არის წარმოდგენილი და მიმართულია ცენტრისკენ, სადაც, სავარაუდოდ, წარმოდგენილი უნდა ყოფილიყო სიუჟეტის მთავარი იკონოგრაფიული ფიგურა-მაცხოვრის ცხედარი. ოსტატმა წმინდანები გამოსახა იკონოგრაფიული მახასიათებლების მიხედვით: სამოსით, ვარცხნილობით, კოლორიტით, იმის შესაბამისად, თუ როგორი იყო ამა თუ იმ წმინდანის გამოსახვის კანონიკა. მიუხედავად იმისა, რომ ერთიან კომპოზიციასზე, შესრულების მანერაზე თუ დამუშავების ხარისხზე მხოლოდ დღემდე შემორჩენილი დეტალის მიხედვით გვიწევს მსჯელობა, აღსანიშნავია, რომ ფრაგმენტი მთელი გრძობით და დრამატიზმით გამოსახავს ქრისტეს „საფლავედ დაღების“ სცენას (განსაკუთრებით, სახეები).

ხაშურის მხარეთმცოდნეობის მუზეუმში დაცული „გარდამოსხნის“ ფრაგმენტის ნაქარგობა შესრულებულია სადა და დამაგრებული სითვით(„სითვა“ არის ქარგვის ის სახეობა, რომლითაც საეკლესიო ნაქარგობის უდიდესი ნაწილია ნაქარგი). საქარგავად გამოყენებულია ოქროში და ვერცხლში დაფერილი სპილენძის თმა-სხეპელა, რომელიც შეგრეხილია ფერად აბრეშუმის ძაფზე ანუ მკედზე, ეს არის ე. წ. იმიტირებული „ოქრომკედი“ და „ვერცხლმკედი“ (ირაკლი ვართაგავა. ექსპონატ(ხმ 5794/ე-469) „გარდამოსხნის“ კომპოზიციის დეტალი-სარესტავრაციო პასპორტი. თბილისი. 2014.).

„გარდამოსხნის“ რესტავრაცია ჩატარდა 2014 წელს, კერძო რესტავრატორ ირაკლი ვართაგავას მიერ.

კავკასიელ მთიელთაგან თავისი გამორჩეულობით, განსაკუთრებით, საინტერესოა ხევისურები არიან. მათი ეთნოგრაფიული შესწავლის პროცესში ხევისურთა ტომობრივი გენეზისის საკითხიც წამოიჭრა. ზისერმანმა, თავის ნაშრომში, რომელიც კავკასიის შესწავლის 25 წლიანი მუშაობის შედეგად წარმოადგინა, ხევისურები ჯვაროსან მეომართა შთამომავლებად მიიჩნია(1879 წ.), თუმცა ხევისურეთის მკვლევარმა სხვა მეცნიერებმა ეს მოსაზრება არ გაიზიარეს. რ. ერისთავმა, გ. რადემს, მაკალათიამ ხევისურები ქართველთა ერთ-ერთ უძველეს ტომად მიიჩნიეს.

ხევისურები თავისი იდენტობით გამორჩეული ხალხია. მათი ერთერთი უმნიშვნელოვანესი მახასიათებელია ხევისურული ტანსაცმელი, რომელიც გამორჩეულია თავისი ორიგინალურობით. ხევისური ქალისა და მამაკაცის სამოსის კომპლექტია ხევისურული ტალავარი, რომელიც შინაქსოვი ტოლისგან იკერებოდა. ამავე სახელითაა ცნობილი ეს ქსოვილი თუშეთში, ფშავსა და ხევშიც. მიუხედავად საერთო სახელწოდებისა, არსებობდა ტოლის სხვადასხვა სახეობა. ხევისურული ტოლი უფრო უხეში, სქელი და მჭიდროდ ნაქსოვი იყო. აქაური ტალავარისათვის ბამბის ქსოვილი-„შილაიც“ გამოიყენებოდა. მოხეური და თუშური ტოლი შედარებით წმინდა შალისაგან იქსოვებოდა, უფრო თხელი და ნაკლებად მჭიდრო იყო.

ჩვენთვის საინტერესოა, რომ ქალისა და მამაკაცის ხევისურული ტანსაცმელი, ძირითადად, ნაქარგობით იყო გამშვენებული, მაგრამ გამოიყენებოდა ფე-

რადი ქსოვილიც, რომლისგანაც „ზიკებსა“ და „ნაფთულებს“(ფერადი ქსოვილის ნაკუწები, იგივე აპლიკაცია) ამზადებდნენ. თითოეულ ფერად ზოლს გასდევდა მეორე დაკბილული ზოლი, რომელსაც „მწკებრა“, ანუ „დაკბილული“ ეწოდება.

სამოსის შემქმნელები ცდილობდნენ, რომ ის ყოფილიყო პრაქტიკული, ლამაზი, მათი სულიერი სამყაროსა და გარემომცველი ბუნების შესატყვისი და წარმომჩენი. ხევისურული სამოსი მათი გენეტიკური გემოვნების ამსახველია(ი. მელიქიშვილი, ე. ნადირაძე, ლ. ტოგონიძე. ქართული ტრადიციული სამოსი(მე-18 - მე-19 საუკუნეები. გვ 189.).

1933 წელს საქართველოს გეოგრაფიულმა საზოგადოებამ ხევისურეთის შემსწავლელი ექსპედიცია მიავლინა იქ სერგი მაკალათიას ხელმძღვანელობით, რომელმაც ძალიან მნიშვნელოვანი მასალა მოაგროვა ადგილობრივი მთხრობელებისგან. ესენი იყვნენ თათარა ჭინჭარაული(ბარისახო), მეგლა ჭინჭარაული(შატლი), ლელა, ნათელა და მელანია ბალიაურები(არხოტი), ალექსი ოჩიაური, ერასტი ბალიაური(ქეჩიმი ბარისახოლან).

1944 წლის ივლისის თვეში ეთნოგრაფთა ერთი ჯგუფი, ლუბა ბოჭორიშვილისა და თინა ოჩიაურის შემადგენლობით, ხევისურეთს გაემგზავრა. ამ ექსპედიციის მუშაობის უმნიშვნელოვანესი შედეგი იყო გამოკვლევა ხევისურული ტალავარის შესახებ(ლ. ბოჭორიშვილი „ხევისურული ტალავარი“(მასალები საქართველოს ეთნოგრაფიისთვის. ტომი მე-8, ლ. ბოჭორიშვილი. ეთნოგრაფიული ნაწერები. გვ. 198).

ხევისური მამაკაცის ტალავარში შიდა სამოსს-პერანგს უპირველესი ადგილი ეკავა. კვართისებურად აჭრილ მამაკაცის პერანგს ამოკერილი „ჩაქიანი“ გვერდები, მიდგმული სახელოები და შეეულად ჩატრილი საკინიბიანი გულისპირი(„ფარაგა“) ჰქონდა. მას გვერდებზე, ერთ მტკაველზე, შეჭრილებს უკეთებდნენ, რომლებსაც სამხედროებს ეძახდნენ. მათი სამოსზე დატანა, სახელწოდებიდან გამომდინარე, მხედრობასთან, ანუ ცხენოსნობასთან იყო დაკავშირებული(ასეთი ჭრილების დატანა მას მოსახერხებელს ხდიდა ცხენზე საჯდომად). პერანგს ჯიბე მარჯვენა მხარეს უნდა ჰქონოდა. გულისპირის ყველაზე მეტად გამშვენებული ნაწილი დაქარგული და მიდგებით შემკული „ფარაგა“ იყო. ამგვარადვე იქარგებოდა პერანგის სახელოები, საბეჭური, სამხედროები და კალთების ბოლოები. ორნამენტის უმთავრესი ელემენტი, განსაკუთრებით საბეჭურზე, ჯვარი იყო(ი. მელიქიშვილი, ე. ნადირაძე, ლ. ტოგონიძე. ქართული ტრადიციული სამოსი(მე-18 - მე-19 საუკუნეები. გვ 211.). ხევისური მამაკაცი პერანგზე მუხლამდე მოკლე ჩოხას იცვამდა. ჩოხის უკანა კალთას ერთმანეთზე მიწყობილი ჩაქიანი „აზოტები“ ამშვენებდა. მოძრაობაში ხელი რომ არ შეეშალა, სახელოები იდლიაში შეხსნილი იყო. წინიდან მთლიანად გახსნილ ჩოხასა და მკერდის ორ მხარეს თითო სამასრე ჯიბე ამკობდა(ი. მელიქიშვილი, ე. ნადირაძე, ლ. ტოგონიძე. ქართული ტრადიციული სამოსი(მე-18 - მე-19 საუკუნეები. გვ 214.).

მამაკაცს ტალავარს ქალები ყოველწლიურად უკერავენ. ცოლის შერთვამდის ვაჟკაცს ტალავარს და უმზადებს, დაქორწინების შემდეგ კი ცოლია ვადებულები ქმარს კარგი ტალავარი ჩააცვას. ქმარს თუ ცუდი ტალავარი აცვია, ეს ცოლისათვის სირცხვილია; კარგად ნაჭრელი ტალავარი კი მისთვის სახელია და მას თემში აქებენ. ტალავარს ხევისურები ორ თვეში ერთხელ მაინც გარეცხავენ უსაპნო და ცივ წყალში, მაგრამ ამით მას ჭუჭყი და თებო მაინც არ შორდება. ხევისურული ტალავარის დამზადება მოითხოვს ბევრ მატყლს და მიძიმე შრომას, განსაკუთრებით, მწელია მამაკაცის „საბეჭურის“ მოქარგვა; იგი ზოგჯერ თვეობით კეთდება. ამას ხევისურეთში დღეს კარგად გრძნობენ და თვითონვე ცდილობენ ტალავარის შემკულობაში მეტი სისადავე შეიტანონ; ამასთანავე, ბამბის ქსოვილსაც ეტანებიან. განსაკუთრებით, მამაკაცები უკვე იცვამენ ბამბის შარვალ-ხალათებს და ზოგს მიტკლის საცველებიც კი აცვია. ხევისური მამაკაცის ტალავარი ახლა უკვე აჭრელებულია. თითო ხელი ხევისურული ტალავარი ყველას აქვს შენახული და მას ხატობა-დღესასწაულებში იცვამენ(ს. მაკალათია „ხევისურეთი“. თბილისი. 1935 წ. გვ. 155-160). მას შემდეგ, რაც რუსეთიდან შემოვიდა ფერადი მანუდები, ქალებს დაუწყიათ ამ მანუდების „სკლატის ზიკებით“ თავიანთი ფარაგებისა და მამაკაცების „საბეჭურების“ დაჭრელება. „სკლატის ზიკებით“ ამკობდნენ ტალავარის მაჯებსაც. „სკლატის ზიკებთან“ ფერადი მანუდისგან იჭრებოდა სხვადასხვა სახის ფიგურები: ირიბი, დაკბილული, მრგვალი, ნაფთული, ჯვარი(ხატი), კვერა და სხვა. ამ „სკლატის ზიკებს“ შიგადაშიგ ამკობდნენ მივიის კვერანებით, მიიგ-ლილებით, ვერცხლის ცვარით და „ცაფურასტით“(საკინიძე).

საზოგადოდ, ხევისურულ ნაქსოვ-ნაჭრელს ახასიათებს ღია ფერების სიჭარბე და ჯვრებისა და გეომეტრიული სახეების მრავალგვარი კომპოზიციისა. ჯვრის ეს ელემენტები ხევისურულ ტალავარზე გადასულია ვერცხლის შიბებიდან, რომლებიც ჯვრებითაა შემკული. ჯვარი, როგორც ქრისტიანობის ემბლემა და ბოროტების დამორგუნველი ნიშანი ჩვენში ყველგან გავრცელებული იყო და მორწმუნე ხევისური ამ მიზნით აკერებდა ჯვრებს თავის ტალავარზე. ამასთანავე, ხევისურული ნაჭრელის ფერადობას და მის გეომეტრიულ ელემენტებს აგრეთვე კავშირი აქვს ფშავისა და მთიულ-თუშეთის ხალიჩა-ფარდაგების სახეებთან, საიდანაც გადმოღებულია ამ აბრეშუმის „საბეჭურის“ მოტივებიც.

ტალავარს ბუნებით ფერადი მატყლისგან მოქსოვილი ტოლისაგანაც კერავენ, მაგრამ უპირატესად მაინც მათ თეთრი ტოლის გამოყენება უხდებათ. ტალავარს ჯერ შეკერავენ და მერე სამღებროში შეღებავენ(„ტოლ რო მაიქსოვების, უნდა დაიჭრას, დაიკერას და სამღებროში ჩავიდესო“). ხევისური მამაკაცის ტალავარი მუქი ლურჯი ტოლისგან მზადდებოდა. ამ ფერის მისაღებად ხმარებულ ბალახს „ხევისურის ლილა“ ეწოდებოდა. „ხევისურის ლილა ბალახია, რომლითაც ხევისურნი ლურჯად ღებენ შალებს“(ს. ს. ორბელიანი). გასაშრობად თოკზე ჩამოკიდებულ ტოლს სიმძიმეს დაკიდებდნენ, რათა ქსელი და მისაქსელი კარგად გამშრალიყო და ნაქსოვიც დაჭიმულიყო.



ხაშურის მხარეთმცოდნეობის მუზეუმის ფონდების მთავარი მცველი (დასასრული შემდეგ ნომერში) მზია ლობჯანიძე

— წარმატებული ქალბატონები —

„მკერვალი“ - ბრენდი, რომელსაც საქართველოში უკვე კარგად იცნობენ

ერთი წელია, რაც უკვე „მკერვალი“ ქართულ ონლაინ ბაზარზე გამოჩნდა და მომხმარებლის მოწონება და სიყვარული დაიმსახურა. მიზეზი რამდენიმეა, საქართველოს რუკები, ასომთავრული წარწერები და ქართული დეტალები ჰუდებსა და სპორტულ ორეულეებზე, კარგად მოერგო თანამედროვე სამოსს, რომელსაც ერთნაირი სიამოვნებით ირგებს ყველა ასაკობრივი კატეგორიის მომხმარებელი. სოფო გრიგალაშვილი „მკერვალის“ დამფუძნებელია, ერთი წლის მხოლოდ სურვილი, საკუთარი საქმე ჰქონოდა, დღეს წარმატებულ სამკერვალო საქმედ ექცა. სამი შვილის დედაა და ერთნაირი წარმატებით ათავსებს ორივე, მისთვის საამაყო სტატუსს. სოფო იმ ერთ წელზე გვესაუბრა, იდეიდან, როგორ მოვიდა დღემდე და რა სამომავლო გეგმები აქვს მომავალში.



მთავარი გადაწყვეტა ის იყო, რომ ჩემი საქმე უნდა მქონოდა-ეს იყო ამბის მთავარი ნაწილი. დავიწყე ძიება, რა შეიძლებოდა, გამეკეთებინა. რამდენიმე ვარიანტი განვიხილე. ძალიან მომწონდა ნაქარგები, რადგან პროცესი იყო ჩემთვის ძალიან საინტერესო. მივედი იქამდე, რომ თუ დაქარგვა მინდოდა, მჭირდებოდა რაიმეს შეკერვა, სადაც ამ ნაქარგს გადავიტანდი. აქედან მოვიდა ის ყველაფერი, რასაც დღეს „მკერვალი“ ჰქვია. დედაჩემის გამოცდილების იმედად დავიწყე თავიდან, რადგან მე მხოლოდ ის მქონდა გადაწყვეტილი, რომ აუცილებლად რაღაც საქმე უნდა დამეწყო. დედა ბავშვობიდან გვიკერავდა და გვიქსოვდა, ამის განვითარება დავიწყეთ. ძალიან მნიშვნელოვანი იყო დედაჩემის მხარდაჭერა, საბანკო ვალდებულება აიღო, რითაც ვიყიდეთ საკერავი მანქანები და დავპრინტე საქართველოს რუკები, ორეულეები და ჰუდები. ეს იყო პირველი მცდელობა. პრინტი იმდენად მომეწონა, რომ რამდენიმე დღეში საქარგიც მოვიტანე.



რა არის „მკერვალის“ მიმართულება, როგორი სტილის სამოსს სთავაზობთ მომხმარებელს?
ძალიან მომწონს სპორტული სტილი, მოთხოვნადია და ჩემი გათვალისწინებული პირველად ეს იყო. ხაშურის მუნიციპალიტეტში ისეთი ტიპის სამკერვალო, რომელსაც თავისი ხაზი ექნებოდა, არ იყო. ზუსტად ერთი წლის წინ გავხსენით და მუშაობის პროცესმა ძალიან ბევრი რამ გვასწავლა. განვითარდით, გავზარდეთ პროდუქციის სახეობაც. ძალიან რთული აღმოჩნდა სახელის მოფიქრება. დედაოებმა შემომთავაზეს ეს იდეა და ძალიან მოგვეწონა.



რით გამოირჩევა თქვენი სამოსი, რა ნიშა გიჭირავთ?
ამ საქმის წამოწყება არ იყო მარტივი, თავიდან ორი საკერავი მანქანა მოვიტანეთ, იმდენი ტექნიკური ნიუანსი იყო, დიდ მოგებაზე ვერ გავალთ. მე ვიყენებ ჩემს უპირატესობას, ნაქარგობას, ქართულ ნიშნებს, რაც გამოარჩევს „მკერვალს“ ბაზარზე არსებულ სხვა პროდუქციისგან. ამიტომ

ჩემი ორიენტირი ამ ეტაპზე, ცნობადობის გაზრდაა, ამ კუთხით ვმუშაობთ აქტიურად. ყველაზე მეტად ის არ მინდა, რომ ვინმესთან მსგავსება მქონდეს. ამიტომ, ვფიქრობ და ასეცაა, რომ „მკერვალი“ ძველი ქართულის გაცოცხლებაა, გათანამედროვება. უნდა აღვნიშნო, რომ ცოტა რთულია, სიახლეების მიღება მომხმარებლისთვის. გვქონდა ისეთი ჰუდები, რომლებიც წელიწადის თვეებს გამოხატავდა, მაგრამ ვერ იმუშავა. ძალიან კარგად მუშაობს საქართველოს რუკა. დავამატეთ ყაბაღალები, რამდენიმე შეკვეთა გავაკეთეთ და მომხმარებლის ძალიან დიდი მოწონებაც დაიმსახურა.

რამდენი ადამიანი გყავთ დასაქმებული? რა არის მთავარი ორიენტირი, რომლისკენაც მიდისარ?

მიუხედავად იმის, რომ გაყიდვები ყოველთვის სტაბილური არაა, ვფიქრობ, რომ ძალიან კარგია, რომ ეს საქმე მაქვს. თავიდან მე და დედა ვიყავით, არც მკერავი მყავდა, ხარჯსაც მიზრდიდა, დროც მეტი მიქონდა. ძალიან მალე დავასაქმე რამდენიმე ქალბატონი. ამ ეტაპზე ექვსი ადამიანი მყავს დასაქმებული. მაქსიმალურად ვცდილობ, ყველაფერი ისე გაკეთდეს, როგორც ვგეგმავ. მქონდეს საკუთარი მაღაზია, მანეკენებით და ყველა იმ დეტალით, როგორც მაღაზიას აქვს.



გაყიდვები როგორ ხდება? როგორია მომხმარებელთა შეფასებები?

99 პროცენტი ონლაინ შეკვეთებით, ცოტა დროში იწველება პროცესი, განსხვავებით საწარმო პროცესისგან, რადგან ინდივიდუალურად ხდება ყველა შემოსულ შეკვეთაზე მუშაობა და ბევრი დეტალია განსახილველი. მაქსიმალურად ვცდილობთ, მომხმარებელი იყოს კმაყოფილი. ყველა პროცესში ბოლომდე ვარ ჩართული და შეკვეთა ჩემი მონაწილეობის გარეშე არ იგზავნება მომხმარებელთან. ყველაზე დიდი პრობლემა, რომლის წინაშეც დავდექით, კვალიფიციური მუშა-ხელია, ჩვენ შემთხვევაში, მკერავები და გამომჭრელები.

მომხმარებელთან კომუნიკაცია ყველაზე მნიშვნელოვანია ჩემთვის, მაქსიმალურად ბოლომდე ამომწურავ ინფორმაციას ვაწვდი, ყველა დეტალის შესახებ, მათი დამოკიდებულება და შეფასებები ძალიან მნიშვნელოვანია, რადგან ჩემი საქმე, კმაყოფილი მომხმარებელია.

საკერავი მასალა საიდან მოგაქვთ, რამდენად მისაღებია მომხმარებლისთვის „მკერვალის“ პროდუქციის ფასები?

ლილოდან მომაქვს საკერავი მასალა, ყველაზე მაღალი ხარისხის, რაც შემოდის საქართველოში, საკმაოდ მაღალი ღირებულებისაა და ბევრი ცნობილი დიზაინერი იყენებს ამ ნედლეულს. მაგრამ მათი ნაწარმის ფასი გაცილებით მაღალია. კონკურენციის ამ პირობებში, ჩემს მთავარ უპირატესობად ხარისხს ვთვლი. ამის გათვალისწინებით, ვფიქრობ, ძალიან მისაღები ფასებია. არ ვგულისხმობ ბაზრის ფასს, რადგან ისინი საწარმოოდ მზადდება და დიდი რესურსი იზოგება. ჯერ რადგან მცირე საწარმო ვართ, ინდივიდუალურად გვიწევს ყველა შეკვეთაზე მუშაობა. თუმცა, ამ და ბევრი ნიუანსის გათვალისწინებით, მაინც ვთვლი, რომ ფასი ძალიან მისაღებია და ამას ჩვენი მომხმარებლებიც აღნიშნავენ. გადახდის ფორმაც ძალიან მისაღები და კომფორტულია მომხმარებლისთვის. შეკვეთის დასრულების შემდეგ, გაგზავნამდე იხდინ თანხას.



როგორც ვიცი, „მკერვალის“ სპორტული ხაზი ძალიან აქტუალურია საქართველოს მასშტაბით. ძირითადად, რომელზეა ყველაზე დიდი მოთხოვნა?

ბათუმი ძალიან აქტიური დაკვეთებით, ითხოვენ საოჯახო ორეულეებს, მწერენ, როდის გავხსნი ფლიალს. ვფიქრობ, ზაფხულში, მოვსინჯო ძალები ბათუმშიც. ბათუმამდე, ხაშურში, მაღაზიაში, ერთ ადგილზე გავხსენი სტენდი, მინდოდა, მომხმარებელს თვალი შეველო, ერთგვარი მარკეტინგია, ვიზუალურად გააცნო შენი პროდუქცია.

ჰუდები გვაქვს, სპორტული ორეულეები. სპორტული ხაზი ძალიან აქტიურია, თუმცა, გარდა ამისა, სხვა კორპორატიულ შეკვეთებსაც ვიღებთ. რამდენიმე საწარმოს მივაწოდეთ უნიფორმები.

უნდა გარისკო, მოსინჯო, გამოიყენო შესაძლებლობა, თუნდაც იმიტომ, სათქმელი გქონდეს საკუთარ თავთან, რომ სცადე და არ გამოვიდა, სცადე და გაამართლა-ასე დასრულდა ჩვენი შეხვედრის პირველი ნაწილი. მეორე შეხვედრა უფრო დიდ წარმატებებზე საუბრისთვის დავგეგმეთ. ძლიერი ქალები, რომ ჩვენი მომავალია, სწორედ ეს ინტერვიუა ამის მაგალითი, რომელიც, დარწმუნებული ვარ, ბევრი ქალისთვის უდიდეს სტიმულად იქცევა.

თამარ ჯაფახიშვილი

ა(ა)იპ ხაშურის მუნიციპალიტეტის გაზეთი „ხაშურის მოამბე“. დირექტორი და გაზეთის რედაქტორი გიორგი გოგალაძე, მისამართი: ხაშური, ტაბიძის ქუჩა №2. ტელეფონი: 24 30 27.
E-mail Khashurismoambe2015@gmail.com მიმღების დასახელება: ხაზინის ერთიანი ანგარიში, საიდენტიფიკაციო კოდი 443860984, სახელმწიფო ხაზინა TRESGE22, სახაზინო კოდი: 749547499.
D-ით მონიშნული სტატია იბეჭდება დაკვეთით გაზეთი იბეჭდება თბილისში.